

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO DOBOJSKOG KANTONA
Broj: T04 0 KTK 0062315 25
Zenica, 01.04.2025. godine

OPĆINSKI SUD U ŽEPČE
- Sudiji za prethodno saslušanje-
ŽEPČE

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije BiH, p o d i ž e m

O P T U Ź N I C U

Protiv:

M. B., osuđivan,

što je:

1. Dana 27.01.2025. godine, oko 16,50 sati, na području općine ..., izradio lažnu javnu ispravu, sa ciljem da je upotrijebi kao pravu, što je i učinio, tako što je na svom motornom vozilu kombi marke „Mercedes“, registarskih oznaka ..., na kojem se na prednjem dijelu nalazila originalno izrađena registarska tablica, na zadnji dio vozila postavio ručno izrađenu krivotvorenu reg. tablicu sa brojem ..., izrađena na komadu metala, sa prednje strane oblijepljena samoljepljivom pvc folijom bijele boje sa slovima i brojevnim oznakama crne boje, te identifikacijskim znakom zemlje plave boje, za koju je znao da nije originalna i iako svjestan da je na zadnjem dijelu vozila krivotvorena reg. tablica, koja ne odgovara originalnim reg. tablicama, takvu tablicu na vozilu koristio u saobraćaju, što je i htio, a što je utvrđeno od strane ovlaštenih službenih lica PS ... prilikom kontrole na lokalnom putu u mjestu ..., općina ...,

Dakle, izradio lažnu javnu ispravu i istu upotrijebio kao pravu,

2. Dana 27.01.2025. godine, oko 16,50 sati, na području općine ..., na lokalnom putu u mjestu B., općina ..., koji se nalazi položajem iznad željezničke pruge na udaljenosti od oko 5 metara, nakon što je od strane policijskih službenika PS ... M. A. i Š. M., zaustavljen prilikom upravljanja svojim motornim kombi vozilom marke „Mercedes“, registarskih oznaka ..., a koji su vršili kontrolu učesnika u saobraćaju, kojom prilikom su utvrdili da se na zadnjem dijelu kombi vozila nalazi postavljena ručno izrađena metalna registarska tablica broja ... , i da kod sebe nije imao vozačku dozvolu, te policijski službenik M. A. istom saopštio da će biti izvršena provjera za vozačku dozvolu, nakon čega je policijski službenik sjeo u službeno vozilo na mjesto vozača i istog pozvao da dođe do vozila kako bi mu uzeo neophodne podatke, pa kada je stigao do vozila iz svog novčanika izvadio

novčanicu od 50,00 KM, u namjeri da izbjegne odgovornost i da ga M. A. ne evidentira kao počinioca krivičnog djela, što je bio dužan da učini prema članu 172. stav 2. Zakona o bezbjednosti saobraćaja na putevima BiH prema kojem će ovlašteni organ izdati prekršajni nalog ukoliko ustanovi da je prekršaj iz njegove nadležnosti utvrđen neposrednim opažanjem ovlaštenih lica prilikom nadzora, učinio dar u vidu novca u iznosu od 50,00 KM, na način da je ovlaštenom službenom licu M. A. navedenu novčanicu spustio na sjedište između nogu dok je ovaj sjedio i govorio mu: „Nemoj ništa pisati, molim te, popij kafu i nisi me vidio“, svjestan da je na takav način službenoj osobi učinio dar da u okviru svoje funkcije ne učini što bi morao učiniti, a što je i htio, što je policijski službenik odbio, te je izašao iz vozila i saopštio mu da je počinio krivično djelo davanje dara i drugih oblika koristi iz člana 381. KZ F BiH, i istog nakon što mu je saopštio da je počinio krivično djelo lišio slobode,

dakle, službenoj osobi u Federaciji učinio dar da u okviru svoje funkcije ne učini što bi morala učiniti,

čime je pod tačkom jedan počinio krivično djelo krivotvorenje isprave iz člana 373. stav 2. u vezi sa stavom 1. KZ F BiH i pod tačkom dva krivično djelo davanje dara i drugih oblika koristi iz člana 381. stav 1. KZ F BiH, u sticaju, u vezi sa članom 54. KZ F BiH.